

'z fòldjele von khindar!

vodar Giulia Boschetto

Ciao, in dise saith von ünsar fòldjele
barpar gian inn pa beldar verletz
von birbl gehoazt Vaia.

Gedenkhstodaren?

Atz 29 von bimmat von djar 2018
hattz gerenk asó starch
un a schäüldar birbl bint hatt geplast
zbsinen in èlbar sin atte a 170 km/h
un atz zèrte saith insinamai
atte 200 km/h!

Dar bint hatt umgemèkkt di
èlbar von ünsarn beldar azpe sprüzzela
in di hent vonan djigânt boma nèt hatt
gesek un bodase hatt gekhastet
umman drau affon ändar azpe birilln.

Geabar
z'sega bazta
iz vürkhent!



Boasto bia 'z hoazanse di èlbar
vodar ünsar Hoachebene?





Dar birbl Vaia hatt umgemèkkt in bintsche urn 100.000 èlbar... èlbar boda beratn khent gehakht von manèkkar lai in 20 djar. 'Z bartnda bölln soin schiar 100 djar zoa azta dar balt khear z'soina azpedar iz gest vor in birbl Vaia. Boasto ombrómm 'z soinda gevallt alle dise èlbar? Ombrómm da soin gest schiar lai alle vonar sòrt: vaüchtn.

Du mochst bizzan kevor mearar baz hundart djar, verte daz earst bèltkriage, di beldar soin gest alle distrüdjart von granattn un ünsarne alte hãm gehatt mængl von holtzso bèmase.

Asó zo macha krescharn bahemmegar in balt hãmsa inngesetzt ploaz vaüchtla, di vaüchtla krescharn bahemme. Ma di vaücht hatt bintsche burtz un steat lai obarhì. Vor daz sèll dar bint hattze umgemèkkt asó dèstar lai alle!

Di beldar starch un gesunt soinz di sèlln boda aubaksan mearare sòrt èlbar, ombrómm ummana na sòrt helft dar ändarn. Defátte in di beldar boda soin gest vil puachan izta khent gemacht mindar schade ombrómm di puachan hãm tiavarne burtzan un hãm auzgehalten daz letz bèttar un asó hãmsa abegenump von bint di debln vaüchtn o.

Ditza verlért vor da gantz natùr un vor di laüt o, nèt lai vor di beldar.



zait mòrbiat

kura

lèrch

balt

vaücht

tänn

ingazarn

zirm



puach

gepäita

Boasto bia ma
 schraibet atz belesch
 daz magesche bort
 boda gitt vert
 dar mischom vodar
 natùr?



Di vaüchtn umgedjukht soin khent
 gezöllt, augenump un vortgetrakk
 pinn komiän vort bait von beldar.
 Helf in komiän zo venna in djüst bege
 zo traga'z gehültzin di statt.



HAUS

STATT

MER






Ciao!

I pin Aurora, dar ekklostortz.

Astome süachst in da gântz bèlt vinnstome nèt. I hân zornìrt zo leba lai da zbisnen in Veneto un in Trentino. I pin toal vodar natùr mischom, boda macht raicht ditza töckle von Planét.

'Z iz nèt dèstar bokhenne in balt, asto hast glük barstome trèffan lai auz spet ka lãngez, pan summer un ka herbest in di nazzan tang. Dòpo lugareme tiaf in di earde... sovl bide böllat spiln vorpórgarle pitt diar!



Glük bill azta di mánnen boda aumachan 'z gehültz bizzan ke i pinda i o, asó arbatnsa lai pan bintar balda dar pon iz gevrorrt un i stea untartuscht in di earde.



Asto bill masto machanme verte zo vèrba, i pin gântz sbartz untar un affon rukkn un aftz khöpfle hãne gântz schümmane gele matsche, azpe 'z golt, ombrómm i hân an groazan vèrt azpe'z golt un azpe du!